

XIX.

Problematis ex theoria maximorum et minorum solutio.

Problema. (Fig. 48) Super recta AB constituere triangulum AOB , ut si ex dato puncto V in * sublino posito ducantur rectae VA , VB et VO , sit summa binorum triangulorum $AVO + BVO$ minima.

Solutio. Ex V in planum trianguli quaesiti demittatur perpendicularum VC , et ex C in rectas quaesitas AO et BO productas agantur perpendiculares CP et CQ : erunt rectae VP et VQ in easdem perpendiculares. Hinc colligitur area $\Delta AVO = \frac{1}{2} AO \cdot VP$ et $\Delta BVO = \frac{1}{2} BO \cdot VQ$, ideoque minimum effici oportet

$$AO\sqrt{(CV^2 + CP^2)} + BO\sqrt{(CV^2 + CQ^2)}.$$

Statuamus nunc rectas datas $CA = a$, $CB = b$, $AB = c$ et $CV = h$, itemque angulos datos $\angle CAB = \alpha$ et $\angle CBA = \beta$, hincque quaeramus binos angulos $\angle BAO = \mu$, $\angle ABO = \nu$, ideoque $\angle AON = \angle BOM = \mu + \nu$, unde colligimus

$$AO = \frac{c \sin \nu}{\sin(\mu + \nu)} \quad \text{et} \quad BO = \frac{c \sin \mu}{\sin(\mu + \nu)},$$

et ob angulos $\angle CAP = \alpha - \mu$ et $\angle CBQ = \beta - \nu$ fit

$$CP = a \sin(\alpha - \mu) \quad \text{et} \quad CQ = b \sin(\beta - \nu)$$

quare ob c constans minimum esse debet

$$\frac{\sin \nu \sqrt{(hh + aa \sin^2(\alpha - \mu))}}{\sin(\mu + \nu)} + \frac{\sin \mu \sqrt{(hh + bb \sin^2(\beta - \nu))}}{\sin(\mu + \nu)},$$

cujus ergo formulae differentiale, positis μ et ν variabilibus, nihilo est aequandum. Est vero

$$d \cdot \frac{\sin \nu}{\sin(\mu + \nu)} = \frac{d\nu \cos \nu}{\sin(\mu + \nu)} - \frac{(d\mu + d\nu) \sin \nu \cos(\mu + \nu)}{\sin^2(\mu + \nu)} = \frac{d\nu \sin \mu - d\mu \sin \nu \cos(\mu + \nu)}{\sin^2(\mu + \nu)},$$

$$d \cdot \frac{\sin \mu}{\sin(\mu + \nu)} = \frac{d\mu \cos \mu}{\sin(\mu + \nu)} - \frac{(d\mu + d\nu) \sin \mu \cos(\mu + \nu)}{\sin^2(\mu + \nu)} = \frac{d\mu \sin \nu - d\nu \sin \mu \cos(\mu + \nu)}{\sin^2(\mu + \nu)}$$

Tum vero posito $\sqrt{(hh + aa \sin^2(\alpha - \mu))} = P$ et $\sqrt{(hh + bb \sin^2(\beta - \nu))} = Q$ erit differentiando

$$dP = \frac{-aa d\mu \sin(\alpha - \mu) \cos(\alpha - \mu)}{P} \quad \text{et} \quad dQ = \frac{-bb d\nu \sin(\beta - \nu) \cos(\beta - \nu)}{Q},$$

quibus valoribus substitutis prodit differentiale nihilo aequandum

$$\begin{aligned}
 + \frac{P d\nu \sin \mu - P d\mu \sin \nu \cos(\mu + \nu)}{\sin^2(\mu + \nu)} - \frac{a a d\mu \sin \nu \sin(\alpha - \mu) \cos(\alpha - \mu)}{P \sin(\mu + \nu)}, \\
 + \frac{Q d\mu \sin \nu - Q d\nu \sin \mu \cos(\mu + \nu)}{\sin^2(\mu + \nu)} - \frac{b b d\nu \sin \mu \sin(\beta - \nu) \cos(\beta - \nu)}{Q \sin(\mu + \nu)} = 0,
 \end{aligned}$$

ubi termini elementis $d\mu$ et $d\nu$ affecti seorsim evanescentes reddi debent, ita ut hae binae obtineantur aequationes finitae per $\sin^2(\mu + \nu)$ multiplicando

$$I. P \sin \mu - Q \sin \mu \cos(\mu + \nu) - \frac{b b \sin \mu \sin(\mu + \nu) \sin(\beta - \nu) \cos(\beta - \nu)}{Q} = 0,$$

$$II. Q \sin \nu - P \sin \nu \cos(\mu + \nu) - \frac{a a \sin \nu \sin(\mu + \nu) \sin(\alpha - \mu) \cos(\alpha - \mu)}{P} = 0.$$

Formetur hinc ista combinatio I. $\frac{Q}{\sin \mu} - II. \frac{P}{\sin \nu}$, proditque

$$(PP - QQ) \cos(\mu + \nu) - b b \sin(\mu + \nu) \sin(\beta - \nu) \cos(\beta - \nu) + a a \sin(\mu + \nu) \sin(\alpha - \mu) \cos(\alpha - \mu) = 0,$$

at est $PP - QQ = a a \sin^2(\alpha - \mu) - b b \sin^2(\beta - \nu)$, ideoque

$$\begin{aligned}
 a a \sin(\alpha - \mu) (\cos(\mu + \nu) \sin(\alpha - \mu) + \sin(\mu + \nu) \cos(\alpha - \mu)) = \\
 b b \sin(\beta - \nu) (\cos(\mu + \nu) \sin(\beta - \nu) + \sin(\mu + \nu) \cos(\beta - \nu))
 \end{aligned}$$

quae aequatio per reductionem sinuum abit in hanc

$$a a \sin(\alpha - \mu) \sin(\alpha + \nu) = b b \sin(\beta - \nu) \sin(\beta + \mu),$$

cujus vis quo distinctius perspicatur, notetur in figura esse

$$\alpha - \mu = CAM, \alpha + \nu = CNB, \beta - \nu = CBN, \beta + \mu = CMA,$$

unde manifestum est fore

$$\frac{\sin(\alpha - \mu)}{\sin(\beta + \mu)} = \frac{\sin CAM}{\sin CMA} = \frac{CM}{CA} \quad \text{et} \quad \frac{\sin(\beta - \nu)}{\sin(\alpha + \nu)} = \frac{\sin CBN}{\sin CNB} = \frac{CN}{CB},$$

aequatio ergo nostra $\frac{a a \sin(\alpha - \mu)}{\sin(\beta + \mu)} = \frac{b b \sin(\beta - \nu)}{\sin(\alpha + \nu)}$ fit $CA \cdot CM = CB \cdot CN$ seu $CA : CB = CN : CM$ ita ut recta MN futura sit rectae AB parallela. Atque hinc porro concludere licet, si ex C per punctum O recta ducatur COJ , ab ea rectam AB bisectum iri, quod cum non sit adeo obvium, ostenditur.

Ob intersectionem rectarum AM et CJ in puncto O est

$$AJ : OJ = AB \cdot CM : BM \cdot CO,$$

similique modo ob rectarum BN et JC intersectionem in O

$$BJ : OJ = AB \cdot CN : AN \cdot CO,$$

unde alternando et multiplicando fit

$$AJ : BJ = CM \cdot AN : CN \cdot BM.$$

At ob rectam MN ipsi AB parallelam est

$$CM : CN = BM : AN \quad \text{seu} \quad CM \cdot AN = CN \cdot BM$$

ideoque $AJ = BJ$. Sicque unam conditionem jam eliciimus, qua novimus punctum quaesitum O in rectam OJ , qua AB bisecatur, cadere.

Solutionis pars altera. Restat ergo, ut conditio haec inventa in altera aequationum supra inventarum substituatur, indeque ambo anguli incogniti μ et ν , quorum jam quaedam relatio constat, determinentur: hoc autem modo in calculos nimis intricatos delaberemur, quam ut inde solutio commoda derivari posset. Expediet ergo novam resolutionem huic conditioni, quod punctum quaesitum O certo in recta CJ lineam datam AB bisecante reperitur, superstruere.

Fig. 49. In hac ergo recta CJ sit O punctum quaesitum. Ex A et B in eam demittantur * perpendiculara AF et BG , atque ob $AJ = BJ$ erit tam $AF = BG$ quam $JF = JG$. In calculum igitur introducamus has quantitates cognitatas: $CJ = e$, $AF = BG = f$, $JF = JG = g$ et altitudinem $CV = h$. Tum vero sit intervallum quaesitum $JO = z$, erit $CO = e - z$. Hinc ob $OF = z + g$ et $OG = z - g$ habebitur

$$AO = \sqrt{ff + (z + g)^2} \quad \text{et} \quad BO = \sqrt{ff + (z - g)^2}$$

simulque perpendiculara ex C in rectas AO et BO demissa sic facile obtinentur

$$AO : AF = CO : CP \quad \text{et} \quad BO : BG = CO : CQ, \quad \text{ut sit}$$

$$CP = \frac{f(e-z)}{AO} \quad \text{et} \quad CQ = \frac{f(e-z)}{BO},$$

$$\text{unde fit} \quad AO \cdot VP = \sqrt{hh \cdot AO^2 + ff(e-z)^2} = \sqrt{ffhh + hh(z+g)^2 + ff(e-z)^2}$$

$$BO \cdot VQ = \sqrt{hh \cdot BO^2 + ff(e-z)^2} = \sqrt{ffhh + hh(z-g)^2 + ff(e-z)^2}$$

quorum productorum summa debet esse minima.

Ad calculum contrahendum statuamus

$$ffhh + gghh + eeff = E, \quad ff + hh = F,$$

$$eff - ghh = G, \quad eff + ghh = H,$$

ut haec expressio minima sit efficienda

$$\sqrt{(E - 2Gz + Fzz)} + \sqrt{(E - 2Hz + Fzz)},$$

unde differentiando colligimus

$$\frac{Fz - g}{\sqrt{(E - 2Gz + Fzz)}} + \frac{Fz - H}{\sqrt{(E - 2Hz + Fzz)}} = 0$$

et irrationalitate sublata

$$(G - Fz)^2 (E - 2Hz + Fzz) = (H - Fz)^2 (E - 2Gz + Fzz),$$

quae evoluta praebet

$$\left. \begin{aligned} EGG - 2GGHz + FGGzz \\ - 2EFGz + 4FGHzz - 2FFGz^3 \\ + EFFzz - 2FFHz^3 + F^3z^4 \end{aligned} \right\} = \left. \begin{aligned} EHH - 2GHHz + FHHzz \\ - 2EFHz + 4FGHzz - 2FFHz^3 \\ + EFFzz - 2FFGz^3 + F^3z^4 \end{aligned} \right\}$$

et contrahitur in hanc formam

$$E(GG - HH) - 2(GGH + EFG - GHH - EFH)z + F(GG - HH)zz = 0.$$

Facta divisione per $G - H$ nanciscimur

$$E(G + H) - 2(GH + EF)z + F(G + H)z^2 = 0$$

et radice extracta

$$z = \frac{GH + EF \pm \sqrt{(EF - GG)(EF - HH)}}{F(G + H)}$$

Jam vero est

$$F = ff + hh, \quad G + H = 2eff, \quad EF = eeff(ff + hh) + hh(ff + gg)(ff + hh)$$

$$GH = eef^2 - ggh^2, \quad GG = eef^2 - 2effghh + ggh^2, \quad HH = eeff^2 + 2effghh + ggh^2$$

unde fit $GH + EF = ff(2eeff + eehh + ffhh + gghh + h^4)$

$$EF - GG = ffhh((e + g)^2 + ff + hh)$$

$$EF - HH = ffhh((e - g)^2 + ff + hh) \text{ sicque elicitor}$$

$$z = \frac{2eeff + eehh + ffhh + gghh + h^4 \pm hh\sqrt{(ff + hh + (e + g)^2)(ff + hh + (e - g)^2)}}{2e(ff + hh)}$$

$$\text{hincque porro } CO = \frac{hh(ee - ff - gg - hh) \pm hh\sqrt{(ff + hh + (e + g)^2)(ff + hh + (e - g)^2)}}{2e(ff + hh)}$$

Transferamus has expressiones in figuram, huncque in finem ad CJ normaliter jungatur recta DE , in quam ex A et B demittantur perpendiculara AD et BE junganturque VD et VE . Cum nunc sit $CV = h$, $CD = CE = f$, erit $DV = EV = \sqrt{(ff + hh)}$, $AD = e + g$, $BE = e - g$, hincque

$$AV = \sqrt{(ff + hh + (e + g)^2)}, \quad BV = \sqrt{(ff + hh + (e - g)^2)}$$

et $AD \cdot BE = ee - gg$. Ergo ob $CJ = e$ habebitur

$$CO = \frac{CV^2}{2CJ} \cdot \frac{AD \cdot BE - DV \cdot EV \pm AV \cdot BV}{DV \cdot EV}$$

ubi perspicuum est rationem triangulorum ADV et BEV praecipue teneri, quae ad D et E sunt rectangula. Quodsi ergo vocentur anguli $DAV = \delta$ et $EBV = \epsilon$, erit

$$DV = AV \sin \delta, \quad AD = AV \cos \delta \quad \text{atque} \quad EV = BV \sin \epsilon, \quad BE = BV \cos \epsilon,$$

quibus introductis conficitur

$$CO = \frac{CV^2}{2CJ} \cdot \frac{\cos \delta \cos \epsilon - \sin \delta \sin \epsilon \pm 1}{\sin \delta \sin \epsilon} = \frac{CV^2}{2CJ} \cdot \frac{\cos(\delta + \epsilon) \pm 1}{\sin \delta \sin \epsilon}$$

Duplex igitur hinc nascitur solutio

$$\text{I. } CO = \frac{CV^2}{CJ} \cdot \frac{\cos^2\left(\frac{\delta + \epsilon}{2}\right)}{\sin \delta \sin \epsilon}, \quad \text{II. } CO = -\frac{CV^2}{CJ} \cdot \frac{\sin^2\left(\frac{\delta + \epsilon}{2}\right)}{\sin \delta \sin \epsilon}$$

quarum prior dat punctum O inter puncta C et J , uti problema postulat; posterior vero praebet punctum O in recta JC ultra C producta, cui quidem etiam minimum convenit, sed non tale, quale in quaestione desideratur, quia aequatio inventa etiam quaestionem resolvit, ubi differentia triangulorum AVO et BVO minima quaereretur. Quocirca sola solutio prior locum habere est censenda.

Coroll. I. Si ergo ponamus $ff + hh = kk$ erit

$$z = e - \frac{hh}{2ekk} (ee - gg - kk + \sqrt{(kk + (e + g)^2)(kk + (e - g)^2)})$$

unde patet si altitudo $CV = h$ evanescat, fore $z = e$, seu punctum O in C cadere, quo casu utique ambo triangula AVO et BVO evanescunt.

Coroll. 2. Sin autem altitudo $CV = h$ fiat infinita, quo casu etiam $k = \infty$ et $\frac{hh}{kk} = 1$, tum formula irrationalis fit

$$\sqrt{(k^4 + 2(ee + gg)kk)} = kk + ee + gg$$

ideoque $z = e - \frac{hh}{2ekk} \cdot 2ee = 0$. Punctum scilicet O in J cadit; unde perspicuum est, quemcunque altitudo h valorem finitum sortiatur, punctum O inter C et J cadere.

Coroll. 3. Aequatio quadratica primum inventa praebet

$$E + Fzz = \frac{2(GH + EF)z}{G + H}$$

Hinc fit

$$E - 2Gz + Fzz = \frac{2(EF - GG)z}{G + H} = \frac{hh}{e} (kk + (e + g)^2) z,$$

$$E - 2Hz + Fzz = \frac{2(EF - HH)z}{G + H} = \frac{hh}{e} (kk + (e - g)^2) z,$$

unde prodit quantitas minima facta

$$\frac{h\sqrt{z}}{\sqrt{e}} (\sqrt{(kk + (e + g)^2)} + \sqrt{(kk + (e - g)^2)})$$

quae aequatur duplae areae triangulorum AVO et BVO .

Coroll. 4. Sin autem intervallo JO alius quicumque valor $JO = x$ tribuatur, eorundem triangulorum summa duplicata fit

$$fh\sqrt{1 + \frac{(x+g)^2}{ff} + \frac{(e-x)^2}{hh}} + fh\sqrt{1 + \frac{(x-g)^2}{ff} + \frac{(e-x)^2}{hh}}$$

qua superior semper est minor, nisi sit $x = z$. Hic autem sumto $x = 0$, fit ista quantitas

$$2fh\sqrt{1 + \frac{gg}{ff} + \frac{ee}{hh}} = 2\sqrt{ffhh + gghh + eeff}$$

sin autem capiatur $x = e$, seu O in C capiatur, erit ea

$$h\sqrt{ff + (e+g)^2} + h\sqrt{ff + (e-g)^2}.$$

